

Sarajevo, 05-11-2020

Broj: 01-11-3-5A502

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-48672 od 26.10.2020. godine, Generalna direktorica donosi:

ODLUKU

o izboru najpovoljnijeg ponuđača
za nabavku respiratora za ventilaciju odraslih i djece (3 kom) za potrebe KCUS-a

I

Prihvata se prijedlog Komisije za nabavku respiratora za ventilaciju odraslih i djece (3 kom) za potrebe KCUS-a, po Izvještaju br. 10-33-4-48672 od 26.10.2020. godine, nakon provedenog otvorenog postupka javne nabavke, objavljenog na portalu E-nabavke pod brojem obavještenja 893-1-1-609-3-345/20 dana 31.08.2020. godine i zahtjeva i ugovor dodjeljuje najpovoljnijem ponuđaču:

- **PROMA d.o.o. Sarajevo**

Nabavka respiratora za ventilaciju odraslih i djece (3 kom x 59.800,00 KM + PDV) za potrebe KCUS-a

Tip i proizvođač aparata: Servo-I Maquet

Ukupna vrijednost: 179.400,00 KM + PDV 30.498,00 KM = 209.898,00 KM sa PDV-om

- Plaćanje u roku 15 dana od dana isporuke, montaže, puštanja u rad i obavljene obuke, te ispostavljanja fakture.
- Garancija u trajanju od 12 mjeseci koja teče od dana potpisivanja zapisnika o primopredaji.
- Rok isporuke: do 2 (dva) mjeseca od dana potpisivanja ugovora i izdavanja narudžbenice.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu predali uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

III

Ova Odluka stupa na snagu danom donošenja i bit će objavljena na web stranici KCUS-a putem web stranice Kantona Sarajevo, kao i dostavljena ponuđačima učesnicima postupka javne nabavke.

O B R A Z L O Ž E N J E

U skladu sa Odlukom Generalne direktorice KCUS-a broj: 01-04-4-38730 od 28.08.2020. godine, pokrenut je postupak javne nabavke za **nabavku respiratora za ventilaciju odraslih i djece (3 kom) za potrebe KCUS-a**. Procijenjena vrijednost nabavke je **179.487,18 KM bez PDV-a odnosno 210.000,00 KM sa PDV-om**. Nabavka je planirana Planom javnih nabavki za 2020. god. pod klasifikacijom „investicije robe“ redni br. 67 (Odluka o usvajanju Plana javnih nabavki Kliničkog centra Univerziteta u Sarajevu za 2020 godinu, broj: 569/20 protokol br. 04-2-32337/20). Za predmetnu nabavku namjenska sredstva su obezbjeđena u Budžetu Općine Centar Sarajevo u iznosu 60.000,00 KM (Protokol br. 01-04-11-303-12/20), od strane “Udruženja banaka BiH) u iznosu 80.000,00 (Ugovor o donaciji sredstava u iznosu 100.000,00 KM) i u Budžetu Općine Novo Sarajevo u iznosu 70.000,00 KM (Sporazum br. 01-04-11-376-120/20).

Klinički centar Univerziteta u Sarajevu je na portalu E-nabavke dana 31.08.2020 godine objavio Obavještenje o nabavci broj: 893-1-1-609-3-345/20, zajedno sa Tenderskom dokumentacijom.

Tendersku dokumentaciju sa portala e-nabavke preuzelo je 20 (dvadeset) potencijalnih ponuđača, a do krajnjeg roka određenog za prijem ponuda, dana 30.09.2020. godine do 11,00 sati, dostavljene su 4 (četiri) ponude ponuđača:

1. HERCEGOVINALIJEK d.o.o. Mostar sa ukupnom cijenom ponude 169.950,00 KM bez PDV-a
2. ALFA-MED d.o.o. Tomislav grad sa ukupnom cijenom ponude 176.074,80 KM bez PDV-a
3. SONO MEDICAL d.o.o. Sarajevo sa ukupnom cijenom ponude 179.487,00 KM bez PDV-a
4. PROMA d.o.o. Sarajevo sa ukupnom cijenom ponude 179.400,00 KM bez PDV-a

Komisija imenovana Odlukom broj: 01-04-4-42873 od 24.09.2020 je izvršila uvid i provjeru svakog dostavljenog dokumenta i ustanovila slijedeće:

1. FORMALNO-PRAVNE ZAHTJEVE TENDERSKE DOKUMENTACIJE NE ISPUNJAVA ponuda ponuđača:

- **HERCEGOVINALIJEK d.o.o Mostar**

Tenderskim zahtjevom 3.1. Sadržaj ponude i način pripreme ponude traži se pod:

*i) Rješenje o odobrenju stavljanja medicinskog sredstva u promet izdato od Agencije za lijekove i medicinska sredstva BiH (ili nadležnih entitetskih tijela), a ponuda sadrži Ovlaštenje OTTO tehnik, kao nosioca dozvole, za privredno društvo Hercegovinalijek, **ali kopija nije ovjerena** (u napomeni tačke 3.1 stoji "Ponuda mora sadržavati sve navedene dokumente **u originalu ili ovjerenoj kopiji**, u suprotnom će se smatrati nepotpunom i neće biti uzeta u dalje razmatranje. Neprilaganje bilo kojeg dokaza i/ili izjave diskvalifikuje ponuđača").*

*j) Izjava/Informacija o dostupnosti servisa i validna dokumentacija kojom se dokazuje da je ponuđač ekskluzivni/autorizovani zastupnik proizvođača na teritoriji BiH ili distributer proizvođača predmetne opreme ili je u poslovnim odnosima sa proizvođačem ili sa ekskluzivnim/autorizovanim zastupnikom na teritoriji BiH, a ponuda sadrži **Izjavu o dostupnosti servisa koja se ne odnosi na predmetnu nabavku** nego je navedeno "Na osnovu Poziva za učešće u Pregovaračkom postupku broj 01-04-4-38730-1/20 od 31.08.2020. godine za izbor najpovoljnijeg ponuđača za nabavku rezervnih dijelova/usluga servisa za preventivno i interventno servisiranje aparata/sistema proizvođača Drager koji se koriste na klinikama KCUS-a (893-1-1-609-3-345/20 objavljeno 31.08.2020). Komisija je konstatovala da je predmetna izjava neprihvatljiva jer se ne odnosi na predmet nabavke (mada je broj nabavke ispravan) jer osim pogrešno navedenog predmeta nabavke, za serviser koji su navedeni u Izjavi o dostupnosti serviser (Nedžad Pašić, dipl.ing.el.; Adis Pljevljak, dipl.ing.maš. i Husein Zlomužica, mr.dipl.ing.el.) nisu dostavljeni Certifikati kojim se dokazuje da su serviser/i osposobljen/i za održavanje ponuđene opreme. k) **Pojedinačni certifikat/i serviser (najmanje jedan)** kojim ponuđač raspolaže, a kojim se dokazuje da su serviser/i osposobljen/i za održavanje ponuđene opreme, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Izjavu i sl.) Ponuda sadrži Certifikat kojim se dokazuje da je serviser osposobljen za održavanje ponuđene opreme na ime Danijel Živojinović i to kopiju koja nije ovjerena i za kojeg nije dostavljen dokaz da su ponuđač i serviser u poslovnom odnosu, a traži se ovjerena kopija i dokaz o poslovnom odnosu (Ugovor o radu ili Ugovor o angažovanju ili Izjavu i sl.).*

Iz navedenih razloga ponuda ponuđača „Hercegovinalijek“ d.o.o. nije prihvatljiva i ne može učestvovati u daljem toku natjecanja.

2. TEHNIČKE ZAHTJEVE POSTAVLJENE TENDERSKOM DOKUMENTACIJOM NE ISPUNJAVAJU ponude ponuđača:

- **SONO MEDICAL d.o.o Sarajevo**

Predmet nabavke je „respirator za ventilaciju odraslih i djece (3 kom) namijenjen Intenzivnoj njezi Klinike za anesteziju i reanimaciju. Ponuđač Sono medical d.o.o. je ponudio aparat **proizvođača MINDRAY tip: SV300**. U ANEKS-u 3 TD u koloni u kojoj je potrebno potvrditi ispunjava li ponuđeni aparat traženi zahtjev, ponuđač je za određene tehničke zahtjeve naveo NE (tehnički zahtjevi u tačkama 4.2, 4.3, 4.4, 4.5, 4.6, 5.1 stavka 2), a tačka

2.6 je neoznačena (nije upisano ni DA ni NE, a u istoj se teže priključci za centralno napajanje medicinskim kisikom i zrakom (O2 i AIR) bez kojih se predmet nabavke ne može pustiti u upotrebu).

Na osnovu gore navedenog Komisija je konstatovala da ponuđeni respirator ne zadovoljava tehničke zahtjeve iz specifikacije:

4.2 Tidalni (disajni) volumen: 2 – 3000 ml; 4.3 Pinsp : 1 – 95 cm H2O; 4.4 Disajna frekvencija (RR): 4 – 150 udisaja u minuti (bpm); 4.5 PEEP podesiv: 0 – 50 cm H2O; 4.6 Inspiratorno vrijeme (Ti): 0,1 – 10 s; 5.1. 2) Prikaz minimalno 4 krivulje spirometrije (loops krivulje) i 2.6 Priključci za centralno napajanje medicinskim kiseonikom i zrakom (O2 i Air).

Iz navedenih razloga **ponuda ponuđača „Sono medical“ d.o.o. nije prihvatljiva i ne može učestvovati u daljem toku natjecanja.**

- ALFA MED d.o.o. Tomislavgrad

Predmet nabavke je „respirator za ventilaciju odraslih i djece (3 kom) namijenjen Intenzivnoj njezi Klinike za anesteziju i reanimaciju. Ponuđač Alfa med d.o.o. je ponudio aparat **proizvođača Löwenstein Medical tip: Elisa 600**. U ANEKS-u 3 TD u koloni u kojoj je potrebno potvrditi ispunjava li ponuđeni aparat traženi zahtjev, ponuđač je za stavke:

- 4.4. Disajna frekvencija (RR): 4 – 150 udisaja u minuti (bpm) naveo DA, a Komisija je uvidom u katalošku dokumentaciju konstatovala da ponuđeni aparat ima disajnu frekvenciju (Brzina ventilacije /f/ 0 - 100 /min odrasli i 0-120 djeca, a obzirom da je predmet nabavke respirator za djecu i odrasle, te da se ne traži dodatak za neonatuse ponuđeni aparat ne ispunjava traženi tehnički zahtjev.

- 4.6. Inspiratorno vrijeme (Ti): 0.1 – 10 s naveo DA, a Komisija je uvidom u katalošku dokumentaciju konstatovala da ponuđeni aparat ima Inspiratorno vrijeme (Vrijeme inspiracije/Ti/ 0.2 – 15 sec za odrasle i za djecu, ponuđeni aparat ne ispunjava traženi tehnički zahtjev.

- 4.9 Zadržavanje izdisaja do 30 sekundi naveo DA i u kolonu „broj stranice u prospektnoj/kataloškoj dokumentaciji upisana stranica 4, ali Komisija ovu karakteristiku nije pronašla na istoj (odnosno uopšte u dostavljenoj kataloškoj dokumentaciji) tako da nije moguće utvrditi ispunjava li ponuđeni aparat ovaj tehnički zahtjev. Općenito traženo je da se u prospektnom kataloškom materijalu **obilježe i numerišu** tehničke karakteristike što nije ispoštovano niti za jednu od traženih tehničkih karakteristika.

Osim neprihvatljivih, navedenih opštih i tehničkih zahtjeva ponuđač je navođenjem DA u kolonu DA/NE za gore navedeno dao pogrešan podatak, a u obrascu za ponudu Aneks 1. Tačka 8. stoji „Odgovaramo za tačnost podataka navedenih u specifikaciji karakteristika tenderske dokumentacije, a radi nabavke odgovarajuće opreme i svjesni smo da će nas pogrešno navedeni podaci direktno eliminisati iz daljeg toka natjecanja“ (što je potpisano od strane ovlaštene osobe i ovjereno pečatom ponuđača).

Iz navedenih razloga **ponuda ponuđača „Alfa med d.o.o.“ d.o.o. nije prihvatljiva i ne može učestvovati u daljem toku natjecanja.**

- Daljom analizom dokumentacije u ponudi ponuđača PROMA d.o.o. Sarajevo utvrđeno je da se za određene detalje, a koji se odnose na tehničke zahtjeve iz tačke 6.7. Balon za funkcijonalni test (umjetna pluća) i tačke 6.8 Standardni pribor neophodan za rad (crijevo, balon 3 litre, zračni filter, zamka za vodu), pribor za praćenje i mjerenje CO2, te koji su potvrđeni sa DA treba zatražiti dodatno pojašnjenje za navod „ponuda dobavljača“.

- Zahtjev za pojašnjenje ponude upućen je ponuđaču dana 16.10.2020 godine (br.10-33-4-43967/20-1) i sastavni je dio ovog izvještaja.

Ponuđač je putem faxes, dostavio pojašnjenje br. PI-234-10-20 od 16.10.2020. godine i u istom potvrdio da ponuđeni respirator u potpunosti odgovara traženim karakteristikama u tehničkoj specifikaciji TD, te da ponuda sadrži sve zahtjeve opisane u tačkama 6.7. i 6.8. iz tehničke specifikacije predmetnog postupka javne nabavke.

Nakon detaljne analize i izjašnjenja svih članova komisije o pojedinim dijelovima ponude, konstatovano je da **predmetna ponuda** sadrži sve tražene elemente, te da je **prihvatljiva** i može učestvovati u daljem toku natjecanja.

Za predmetnu javnu nabavku predviđena je primjena e-aukcije, a isto je navedeno u tenderskoj dokumentaciji kao i u Obavještenju o nabavci broj: 893-1-1-609-3-345/20 objavljeno 31.08.2020

U skladu sa Pravilnikom o uslovima i načinu korištenja e-aukcije, član 3. Stav 3) reguliše da se e-aukcije ne može provesti u slučaju prijema jedne prihvatljive ponude, nego se postupak okončava u skladu sa članom 69. ZJN.

Obzirom da je zadovoljena transparentnost i da je cijena prihvatljive ponude u okviru osiguranih sredstava za nabavku, Komisija je Izvještajem br. 10-33-4-48672 od 26.10.2020. godine dala prijedlog, da se donese odluka o izboru najpovoljnijeg ponuđača i ugovor dodjeli ponuđaču koji je dostavio jedinu prihvatljivu ponudu, **PROMA d.o.o. Sarajevo.**

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA
Prof.dr. Sebiha Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS